



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-509-6/24**

Datum: **20.02.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «MFS TRADE» d.o.o. Doboj Istok za donošenje rješenja o vodnoj dozvoli za ispuštanje tehnoloških otpadnih voda u prirodni recipijent iz pogona za preradu mlijeka i proizvodnju mliječnih proizvoda izgrađenog u naselju Duje - Klokotnica, općina Doboj Istok na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola pravnom licu, «MFS TRADE» d.o.o. Doboj Istok za ispuštanje tehnoloških otpadnih voda u prirodni recipijent iz pogona za preradu mlijeka i proizvodnju mliječnih proizvoda izgrađenog u naselju Duje - Klokotnica na zemljištu označenom kao k.č. broj: 1215/1 K.O. Klokotnica, općina Doboj Istok.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog pogona u naselju Duje - Klokotnica, općina Doboj Istok vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, za vrijeme trajanja ove dozvole, obezbijedi da se sistem za prikupljanje i prečišćavanje tehnoloških otpadnih voda, instalirana oprema i objekti na lokalitetu predmetnog pogona održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 2.3. Da se, za vrijeme trajanja ove dozvole, obezbijedi da se tehnološke otpadne vode nastale u proizvodnom postupku prerade mlijeka i proizvodnje mliječnih proizvoda, pranjem opreme i podova objekta nesmetano prikupljaju zasebnom kanalizacionom mrežom, odvođe na tretman u mastolov a potom u biološki uređaj (SBR_REG_30) u koji se upuštaju i sanitarno fekalne vode iz toaleta za uposlene. Prečišćene vode se preko okna za monitoring ispuštaju u obodni kanal putem kojeg se odvođe ka bezimenom potoku sa krajnjim ispustom u rijeku Spreču.
 - 2.4. Prečišćene otpadne vode nastale u pogonu za preradu mlijeka i proizvodnju mliječnih proizvoda prije ispuštanja u recipijent, moraju ostati u maksimalno dopuštenim granicama definisanim u Prilogu 4. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.5. Da se objekti koji se koriste u svrhu prikupljanja, odvodnje i tretmana otpadnih voda nastalih u krugu pogona (slivničke rešetke, mastolov, biološki SBR uređaj, kanalizaciona mreža) održavaju i koriste na takav način koji će obezbijedi njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 2.6. Čišćenje i pražnjenje mastolova i biološkog uređaja za tretman otpadnih voda može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja mastolova i biološkog uređaja (min 2 puta godišnje).
 - 2.7. Da se, za vrijeme trajanja ove dozvole, u potpunosti ukloni trokomorna septička jama ranije korištena za prihvatanje i odvodnju otpadnih voda iz predmetnog pogona mliječare.
 - 2.8. Otpad nastao u postupku prerade mlijeka i proizvodnje mliječnih proizvoda, talog iz mastolova i biološkog uređaja za tretman otpadnih voda, otpad nastao prilikom uklanjanja postojeće septičke jame kao i ostali opasni i neopasni otpad, ne smiju se ni privremeno odlagati na česticu «vodno dobro» odnosno u vodotok i na njegove obale.

- 2.9. Praktikovati suho čišćenje podova objekta pogona prije pranja vodom kako bi se što više uklonile nečistoće sa radnih površina, trošilo manje vode za pranje te smanjilo zagađenje voda.
- 2.10. Da se vrši stalna kontrola stanja kiselosti otpadnih voda nastalih pranjem podova, posuda i postrojenja i neutralizacija istih a prije odvoda u mastolov i biološki SBR uređaj.
- 2.11. Da se skladištenje i upotreba hemijskih supstanci (bilo da se koriste kao sredstva za pranje posuda i postrojenja ili kao sredstva u tehnološkom procesu ili kao aditivi) vrši na siguran i bezbjedan način kako bi se onemogućilo dospijevanje istih u tlo, površinske i podzemne vode.
- 2.12. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga pogona, isti propisno skladišti do njegovog konačnog zbrinjavanja od strane ovlaštene organizacije.
- 2.13. Vlasnik odnosno korisnik pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na mjestu ispusta u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 01/24). Rezultate analiza dostaviti ovoj Agenciji.
- 2.14. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 15/17, 23/17 i 41/20). broj
- 2.15. Vlasnik odnosno korisnik pogona je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik pogona je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), na osnovu utvrđenog stepena zagađenja ispuštenih otpadnih voda izraženog preko broja EBS-a (ispitivanje urađeno od strane ovlaštene laboratorije) obavezan je, za utvrđeni broj EBS-a prema rezultatima ispitivanja, plaćati posebnu vodnu naknadu za zaštitu voda.
4. U periodu važenja ove dozvole, vlasnik odnosno korisnik pogona je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog pogona obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom pogonu i radnom prostoru obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, «MFS TRADE» d.o.o. Doboj Istok, podnijelo je ovoj Agenciji dana 27.09.2024. godine zahtjev za izdavanje vodne dozvole za ispuštanje tehnoloških otpadnih voda u prirodni recipijent iz pogona za preradu mlijeka i proizvodnju mliječnih proizvoda izgrađenog u naselju Duje - Klokotnica na zemljištu označenom kao k.č. broj: 1215/1 K.O. Klokotnica, općina Doboj Istok.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra (bez broja) izdatog dana 25.07.2024. godine od strane Općinskog suda u Tuzli,
- Ovjerena kopija Uvjerenja o poreznoj registraciji izdatog dana 29.09.2005. godine od strane Porezne uprave – Kantonalni ured Tuzla,
- Kopija Rješenja o odobrenju izmjene namjene magacina u poslovni prostor – prerada mliječnih proizvoda broj: 05-23-2-1720/09 izdatog dana 12.01.2010. godine od strane Službe za prostorno uređenje Općina Doboj Istok (rješenje izdato Udruženju «HO MFS» iz Gračanice),
- Kopija Rješenja o vodnoj dozvoli broj: UP-I/25-3-40-701-8/18 izdatog dana 28.05.2019. godine od strane «Agencije za vodno područje rijeke Save» Sarajevo,
- Dopuna projekta izvedenog stanja prikupljanja, tretmana i odvodnje otpadnih voda na lokalitetu proizvodno-poslovnog objekta mljekare «MFS TRADE» d.o.o. Doboj Istok urađeno od strane «TQM» d.o.o. Lukavac (registarski broj: 10-40/19; broj protokola: 1491/19, maj 2019. godine),
- Kopija Izvještaja o monitoringu kvaliteta i kvantiteta otpadnih voda urađen od strane «TQM» d.o.o. Lukavac, april 2021. godine,
- Kopija Izvještaja o utvrđivanju tereta zagađenja otpadnih voda izraženog preko EBS-a za «MFS TRADE» d.o.o. Doboj Istok urađen u augustu 2022. godine od strane «TQM» d.o.o. Lukavac,
- Kopija Rješenja o vodnoj dozvoli broj: 04/1-13-21-673/21 za korištenje vode i ispuštanje sanitarno-fekalnih otpadnih voda izdato dana 29.01.2021. godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o urbanističkoj saglasnosti broj: UP-I-05-19-499/20 za izgradnju kanalizacione mreže poslovnog objekta – mljekara u Klokotnici (sanitarno fekalna, tehnološka, oborinska kanalizacija) izdatog dana 03.12.2020. godine od strane Službe za prostorno uređenje Općina Doboj Istok,
- Kopija Rješenja o odobrenju gradnje broj: UP-I-05-19-617/20 za izgradnju kanalizacione mreže poslovnog objekta – mljekara u Klokotnici (sanitarno fekalna, tehnološka, oborinska kanalizacija) izdatog dana 19.02.2021. godine od strane Službe za prostorno uređenje Općina Doboj Istok,
- Kopija Izjave broj: 215/22 o završetku projekta izgradnje kanalizacione mreže upućena 08.04.2022. godine Fondu za zaštitu okoliša Federacije BiH od strane «MFS TRADE» d.o.o. Doboj Istok,
- Kopija Dopisa broj: 01-08-36-328-2613/22 o povratu bankovne garancije upućenog dana 17.06.2022. godine «MFS TRADE» d.o.o. Doboj Istok od strane Fonda za zaštitu okoliša Federacije BiH,
- Kopija Zapisnika broj: 166/22 o prijemu izvedenih radova na izgradnji kanalizacione mreže za potrebe «MFS TRADE» d.o.o. Doboj Istok potpisanog i ovjerenog dana 01.04.2022. godine od strane predstavnika Izvođača radova «INVEST GRADNJA» d.o.o. Gračanica i «MFS TRADE» d.o.o. Doboj Istok,
- Izjava Nadzora radova «BAUWOOD» d.o.o. Gračanica broj: 01/2022 o izvedenim radovima na kanalizacionoj mreži za potrebe «MFS TRADE» d.o.o. Doboj Istok data dana 30.03.2022. godine od strane Avdo Bajraktarević - nadzorni inženjer,
- Kopija Ugovora o odvozu otpadnih voda i zbrinjavanju otpada zaključenog dana 28.11.2024. godine između «MFS TRADE» d.o.o. Doboj Istok i KP «PROGRES» a.d. Doboj,
- Kopija računa br: 13662/24 o crpljenju i odvozu otpadnih voda specijalnom cisternom dostavljenog dana 28.11.2024. godine od strane KP «PROGRES» a.d. Doboj,
- Kopija Ugovora broj: 205/25-DS o čišćenju mastolova i biološkog uređaja i zbrinjavanju opasnog otpada zaključenog dana 07.02.2025. godine između «DELTA PETROL» d.o.o. Kakanj i «MFS TRADE» d.o.o. Doboj Istok (prilog: uplata od 10.02.2025. godine po dostavljenom predračunu),
- Kopija radnog zapisnika broj: 07.02.25. od 19.02.2025. godine o čišćenju mastolova i biološkog uređaja dostavljenog od strane «DELTA PETROL» d.o.o. Kakanj,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) izvršen je obilazak predmetnog lokaliteta pogona za preradu mlijeka i proizvodnju mliječnih proizvoda izgrađenog u naselju Duje - Klokotnica, općina Doboj Istok i tom prilikom je sačinjen Zapisnik o uviđaju broj: UP-1/21-3-40-509-3/24 od 19.11.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni pogon za preradu mlijeka i proizvodnju mliječnih proizvoda izgrađen je u naselju Duje-Klokotnica, općina Doboj Istok u sklopu kompleksa Udruženja «HO Međunarodni forum solidarnosti – EMMAUS». Finalni proizvodi u mljekari su sir, jogurt i pavlaka. Instalirani kapacitet mljekare je 5.000 lit mlijeka/dan ali se trenutno prerađuje oko 1.500 lit mlijeka/dan.

Snabdijevanje vodom za sanitarne i tehnološke potrebe je obezbijeđeno priključkom na vodovodni sistem MZ Klokotnica kojim upravlja JKP «ČISTO» d.o.o. Doboj Istok za što je od strane Ministarstva poljoprivrede, šumarstva i vodoprivrede Tuzlanskog kantona dana 29.01.2021. godine izdato Rješenje o vodnoj dozvoli broj: 04/1-13-21-673/21.

Za predmetni pogon je u ranijem postupku od strane ove Agencije doneseno Rješenje o vodnoj dozvoli broj: UP-I/25-3-40-701-8/18 od 28.05.2019. godine sa uslovom datim tačkom 2.2. koji je u potpunosti ispoštovan tj. realizovani su radovi na izgradnji sistema prikupljanja, tretmana i odvodnje otpadnih voda na lokalitetu mljekare «MFS TRADE» d.o.o. Doboj Istok predviđeni projektnom dokumentacijom urađenom od strane «TQM» d.o.o. Lukavac, maj 2019. godine.

Izvršeno je potpuno razdvajanje kanalizacione mreže za prikupljanje i odvodnju sanitarno fekalnih otpadnih voda nastalih u toaletu za uposlene od sistema mreže kanalizacije kojom se prikupljaju tehnološke otpadne vode nastale u postupku prerade mlijeka odnosno pranjem uređaja i opreme za proizvodnju mliječnih proizvoda i pranjem podova pogona. Ranije korištena trokomorna septička jama je stavljena van upotrebe ali nije uklonjena.

Prikupljene tehnološke otpadne vode se zasebnom kanalizacionom mrežom odvođe na tretman u mastolov a potom u biološki uređaj (SBR_REG_30) u koji se upuštaju i prikupljene sanitarno fekalne vode. Nakon tretmana, prečišćene vode se preko izgrađenog okna za monitoring ispuštaju u obodni kanal putem kojeg se odvođe u bezimeni potok sa krajnjim ispustom u rijeku Spreču. Prikupljene oborinske vode sa platoa ispred objekta se putem kanala sa slivnom rešetkom odvođe u obodni kanal.

Čišćenje i pražnjenje mastolova i biološkog uređaja odnosno zbrinjavanje otpada se vrši od strane firme «DELTA PETROL» d.o.o. Kakanj prema posebnom Ugovoru (priložena uplata po dostavljenom predračunu i radni zapisnik o čišćenju od 19.02.2025. godine).

Na uvid predložen izvještaj o monitoringu kvaliteta i kvantiteta otpadnih voda za april 2021. godine urađen od strane «TQM» d.o.o. Lukavac. Prema podacima iz dostavljenog Izvještaja utvrđeno je da ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Prema dostavljenom Izvještaju o utvrđivanju tereta zagađenja otpadnih voda «MFS TRADE» d.o.o. Doboj Istok izraženog preko EBS-a, urađenom u augustu 2022. godine od strane «TQM» d.o.o. Lukavac, utvrđen je ukupan teret zagađenja otpadnih voda izražen kao ekvivalentni broj stanovnika: 161,6 ES-a.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog pogona za preradu mlijeka i proizvodnju mliječnih proizvoda na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatuje se da je podnosilac zahtjeva «MFS TRADE» d.o.o. Doboj Istok, ispunio minimum uslova za izdavanje vodne dozvole za ispuštanje tehnoloških otpadnih voda iz pogona za preradu mlijeka i proizvodnju mliječnih proizvoda izgrađenog u naselju Duje - Klokoćnica, općina Doboj Istok, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 5. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-509-2/24 od 12.11.2024. godine.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- «MFS TRADE» d.o.o. Doboj Istok
Duje bb, Klokoćnica, 74207 Doboj Istok
- ➔ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava